



«Քայլ առ քայլ» բարեգործական հիմնադրամ

«Նախադպրոցական հաստատության մանկավարժական աշխատողների մասնագիտական կարողությունների և հմտությունների զարգացման» ծրագիր

ՀԵՏԱԶՈՏԱԿԱՆ ԱՇԽԱՏԱՆՔ

Թեմա՝ Մաների մեջ ինքնուրույնության և ստեղծագործական ունակությունների զարգացումը

Դաստիարակ՝ Էլիկ Սարգսյան

Մանկապարտեզ՝ «Թիվ 3 ՆՈՒՀ» ՀՈԱԿ

2023թ.

Բովանդակություն

Ներածություն.....	3
Հետազոտության նպատակը.....	5
Ավագ խումբ. Ինտեգրված պարապմունք: Գրաճանաչություն.....	7
Պարապմունքի դիտարկում.....	13
Եզրակացություն.....	14
Գրականության ցանկ.....	15

Ներածություն

Անկախ նրանից, թե որտեղ են ապրում մերօրյա երեխաները, նրանց ամբողջ կյանքի ընթացքում հարկ է լինելու դիմակայելու հասարակական, քաղաքական և միջավայրային փոփոխություններին: Այսօրվա արագընթաց փոփոխությունները կարևոր են դարձնում երեխաներին ամբողջ կյանքում սովորելու սեր ներարկելը:

Երեխաներին ուսումնաստենչ սովորողներ դարձնելու նպատակով <<Քայլ առ քայլ>> ծրագիրը հիմքեր է կառուցում այն գիտելիքների և հմտությունների համար, որոնք արդիական են ակնկալվող մարտահրավերները դիմակայելու իմաստով: Ծրագիրն ընդունում, գնահատում և քաջալերում է այն հատկանիշների զարգացումը, որոնք անհրաժեշտ են մեր ժամանակներում: Այդպիսի կարողություններից են՝ խնդիրներ հայտնաբերել և խնդիրներ լուծողներ լինել, ստեղծագործ, պատկերավոր մտածողությամբ օժտված և հնարամիտ լինել:

Աշխարհը կարելի է ճանաչել 2 ճանապարհով. Գիտության և արվեստի: (Վ. Գ. Բելինսկի)

Անփոխարինելի է արվեստի դերը երեխայի զարգացման գործում: Հասարակությանը անհրաժեշտ են ստեղծագործական մտածողության անհատականություններ՝ ընդունակ կառուցելու և բարեկարգելու մոլորված աշխարհը:

Ժամանակակից մանկավարժությունն իր անհատակողմնորոշիչ դիրքորոշումներով ուղղված է յուրաքանչյուր երեխայի ստեղծագործական ներուժի բացահայտմանն ու զարգացմանը:

<<Քաղաքակրթության գլխավոր խնդիրը մարդուն մտածել սովորեցնելն է>>(Թ. Էդիսոն)

Միտքը իմացության միասնական միավոր է: Մտավոր գործողությունների այն համակարգը, որի առջև կոնկրետ նպատակ է դրված կոչվում է ինտելեկտուալ գործողություն: <<Ինտելեկտը միջոցները նպատակին հարմարեցնելու ընդունակություն է>>:

Նոր պահանջների համաձայն դաստիարակությունը առավել արդյունավետ դարձնելու հիմքում դրվում են սովորելը և սովորեցնելը: Նյութի մատուցման և երեխաների հետաքրքրությունը մեծացնելու մեջ մեծ նշանակություն ունի նոր մեթոդների և տեխնոլոգիաների կիրառումը: Լավ արդյունք ստանալու համար դաստիարակը պետք է լինի ստեղծագործ, նորարար մարդկային բարձր որակներով:

<<Այն ուսուցիչը, որը կարողանում է իր սաներին օժտել աշխատանքի ուրախություն գտնելու ընդունակությամբ, արժանի է դափնեպսակի>>: Էլբերթ Հաբարտ

Հետազոտության նպատակը

Դաստիարակի խնդիրն է անհատ երեխաների և ամբողջ խմբի համար համապատասխան նպատակներ սահմանելը, երեխաների հետաքրքրություններին արձագանքելը, յուրաքանչյուր երեխայի ուժեղ և թույլ կողմերը հարգելը, հետաքրքրասիրությունն արթուն պահելը: Երեխայից ակնկալվում է առաջադրանքը հաղթահարել գործնական աշխատանքով և հմտանալ դրանում հաջորդ քայլին անցնելուց առաջ: Ճիշտ պատասխանը հաճախ ամրակայում է գործնական կիրառմամբ և խրախուսմամբ: Երեխայի գործունեության զարգացման հիմքը ընկալումն է: Եվ նրա մոտ ցանկություն է առաջանում ավելին իմանալու մղումը:

Դաստիարակի առջև երեխաների մեջ ինքնուրույնության և ստեղծագործական հմտությունների ձևավորման և զարգացման բավականին հստակ պահանջ է դրված:

Ուսուցման գործընթացը իրականացվում է տարբեր մեթոդների օգնությամբ: Մեթոդը նպատակին հասնելու միջոց է և այն արդյունավետ է, երբ օգտագործում ես խոսքային, դիտողական, գործնական մեթոդներ:

Ակտիվ ուսուցման մեթոդներից է մտատարափի կամ մտային գրոհի մեթոդը, այն վեր է հանում ուսուցանվող խնդրի շուրջ բոլոր կարծիքներն ու խնդիրները: Երեխայի ինքնուրույնությունը զարգանում է աստիճանաբար պարապմունքից պարապմունք:

Յուրաքանչյուր նպատակային պլանավորված աշխատանքի արդյունքների հիմքում ընկած է խաղը: Պարապմունքի հակադիր ձևը խաղն է և խաղային դրդապատճառները պարապմունքի կառուցվածքային տարբեր մասերում: Խաղի և պարապմունքի ինքնատիպ միավորումը դառնում է դիդակտիկ խաղ:

- Խաղի միջոցով զարգանում է երեխայի հոգեկան գործընթացը:
- Խաղում ազատ, ինքնուրույն գործում են, ինքնահաստատվում:

➤ Խաղը որպես ստեղծագործական գործունեություն, նպաստում է երեխայի անհատական առանձնահատկությունների բացահայտմանը և ստեղծագործական ընդունակությունների զարգացմանը:

➤ Խաղը երեխայի զարգացման և դաստիարակության լավագույն միջոցն է, նրա կենսագործունեության կազմակերպման կարևոր ձևը:

Այս հետազոտական աշխատանքի շրջանակներում նպատակ է դրվել ուսումնասիրել սաների մեջ ինքնուրույնության և ստեղծագործական ունակությունների խթանման գործընթացի առանձնահատկությունները: Նպատակին հասնելու համար վեր են հանվել այն խնդիրները, որոնց իրագործման ընթացքում ես կհասնեմ իմ նպատակի արդյունքին:

Ավագ խումբ

Ինտեգրված պարապմունք: Գրաճանաչություն

Թեմա՝

✓ Ամրապնդել երեխաների ձայնավոր և բաղաձայն հնչյունները տարբերելու կարողությունը:

✓ Ծանոթացնել <<Ա>> հնչյուն-տառին:

Նպատակ՝

✓ Կամրապնդեն հնչյունային տարբեր կառուցվածք ունեցող բառերի հնչյունային վերլուծություն կատարելու կարողությունը:

✓ Կտարբերեն հնչյունները (ձայնավոր, բաղաձայն) ըստ արտասանության:

✓ Կսովորեն բառի մեջ ա հնչյունի տեղը:

✓ Կկազմեն նոր բառեր, որոնցում ա հնչյունը կլսվի բառասկզբում, բառամիջում, բառավերջում:

✓ Կսովորեն, որ յուրաքանչյուր հնչյուն ունի իր արտասանության ձևը, իսկ տառը՝ պատկերը:

✓ Կշոշափեն մեր դիդակտիկ նյութ Ա տառը:

✓ Կուրվագծեն Ա տառը:

Խթանում՝

✓ Ո՞վ է ստեղծել հայերենի այբուբենը:

✓ Ի՞նչ լեզվով ենք մենք խոսում:

✓ Որո՞նք են հայերենի ձայնավոր հնչյունները:

✓ Ինչու՞ են կոչվում ձայնավոր հնչյուններ:

✓ Ի՞նչ է վանկը: Կազմել բառեր եւ ծափերով վանկատել:

Իմաստի ընկալում՝

Մարդիկ իրար հետ ինչպե՞ս են շփվում (խոսելով և այդ պատճառով պետք է սովորեն մեր մայր լեզուն)

Ա՛խ լեզու՛ , լեզու՛ , թե չլինեիր, մարդ ինչի՞ նման կլիներ:

Ազգ պահողը, իրար հետ միացնողը լեզուն է ու հավատքը:

Հնչի՛ր դու, հնչի՛ր այժմ և հավիտյան

Մայրենի լեզու մայրենի բարբառ

Լեզուն է ամեն ժողովրդի ազգային գոյությունը, ինքնուրույնության եւ հանճարի ամենախոշոր դրոշմը, հոգին ու հոգեբանությունը: (Հ.Թումանյան)

Երեխանե՛ր այսօր մենք կձանոթանանք մեր <<Ոսկեղենիկ հայերենի>> առաջատար Ա-ի հետ: Ինչու՞ ենք անվանում առաջատար, որովհետև Մ.Մաշտոցը ստեղծել է սկզբում Ա տառը և նա տառադարանում զբաղեցնում է առաջին տեղը: Ինչպես զինվորն է պաշտպանում մեր հայրենիքը, այնպես էլ մեսրոպյան գրերը դարեր շարունակ դարձան լույսի, հույսի սյուներ, ազգը պահող լույսի շողեր:

Մ.Մաշտոցը հոգին է հայի

Եվ դարեր-դարեր նման մի ջահի

Մեր ճամփին պիտի շողա ու վառվի,

Որ հայը ապրի ու չմոլորվի:

Հնչյունային վերլուծության են ենթարկում երեխաները մի շարք բառեր: Գտնում են ա հնչյունի տեղը:

Երգ <<Ես հնչուն եմ>>. այն համարում ենք ֆիզ-դադար, որովհետև երեխաները հերթականությամբ գործողությունները ցույց են տալիս: Այնուհետև երեխաները արտասանում են, փորձում են գուշակել հանելուկներ:

Պարապմունքի ընթացքում ներս է մտնում մեր <<Արև>>-ը՝ իր ճառագայթները տարածելով այնպես, որ երեխաները յուրաքանչյուր ճառագայթից բռնելով, ա-ով սկսվող ինչ-որ առարկա, իր, համեմունք, տեսարժան վայր են ներկայացնում՝ փորձելով շարժել երեխաների հետաքրքրությունը, ստեղծագործական միտքը: Արդյունքում յուրաքանչյուրն իր պատկերի մասին մի նոր բան է սովորում: Խմբում

ներկա 25 երեխայի ստեղծագործական վառ երևակայությունը և մտքի տարափը ներկաներին հիացրեցին: Տեղի է ունենում մտքերի փոխանակում և այդ շարժախաղով երեխաները ավարտում են իրենց պարապմունքը:



Պարապմունքից հատված. Այս Ձևաչափով հանդես են եկել բոլոր երեխաները.MOV

Բաց են նկարչության, արվեստ, մաթեմատիկայի, ծեփի կենտրոնները: Երեխաները ուրվագծում, նկարում, կառուցում, ծեփում են Ա տառը: Եվ երգում են, և աշխատում են, և հիանում իրենց աշխատանքով: Վերջում երեխաները համտեսում են իրենց համար նախօրոք պատրաստված Ա տառի տեսքով քաղցր ու համեղ բուլկին:

Կշռադատում՝

1. Ի՞նչ սովորեցինք մենք այսօր
2. Ինչպե՞ս անցավ մեր պարապմունքը
3. Ինչը՞ ձեզ ավելի շատ դուր եկավ պարապմունքի ընթացքում
4. Ինչը՞ կցանկանայիք փոխել

Պարապմունքի ընթացքում երեխան բերկրանք է ապրում աշխատանքի, արվեստի ստեղծագործությունների, գեղեցկության հանդեպ, իսկ իր հաջողությունների համար՝ հպարտություն: Զարգանում է հատուկ վերաբերմունք բանավոր խոսքի նկատմամբ: Բանավոր հնչյունային կառուցվածքի մեջ կողմնորոշվելու կարողությունն է զարգանում: Սովորում են ինքնուրույն կազմել մտքեր, խոսքային միջոցներ, ստեղծագործական մտահաղացումներ:

Գործողությունների մեջ ճիշտ կողմնորոշվելու, ընտրել իրեն հոգեհարազատ նյութը, ինքնուրույն տեղադրել թղթի վրա, պատկերավոր ձևով գունավորել, ստեղծագործել: Դաստիարակը սովորեցնում է ճիշտ դիրքով պահել գիրքը, տարբերել շապիկը, երեսը, սովորում է, որ գրում և կարդում են ձախից աջ, վերևից ներքև:

Պարապմունքները երեխաների համար հնարավորություն են ստեղծում ճանաչողական գործընթացը դարձնելու իրական փորձառություն, որն օգնում է յուրաքանչյուր երեխայի լիարժեք բացահայտել իր ստեղծագործական կարողությունները, բավարարել հետաքրքրությունները: Պարապմունքի ժամանակ երեխաները հետազոտում են, պրպտում են, նոր լուծումներ գտնելու, շարժվում են նրանց հետաքրքրության ու ստեղծագործական մտքի ունակությունները:

Երեխաների դաստիարակության խնդիրն է՝ կարողանալ դիտարկել և որոշել նրա ուղղվածությունն ու կատարելագործել դաստիարակության մեթոդները: Դաստիարակը երեխային հաղորդում է մարդկության կողմից մշակված ծրագրերն ու եղանակներն, որոնց լավ տիրապետելն էլ տանում է դեպի յուրահատուկ մարդկային ընդունակությունների զարգացում:

Հետազոտական աշխատանքի ավարտին ես հայտնաբերեցի ինձ համար շատ կարևոր փորձի փոխանակում: Այն ինձ հնարավորություն տվեց երեխաների միջավայրը հարմարեցնել օրվա նյութի հետ: Դարձնել խմբասենյակը հերթական անակնկալների մի վայր, որտեղ երեխան անհամբերությամբ սպասում է իր սովորած նյութի կիրառումը իրագործել ստեղծագործական նոր ձևաչափով:

Աշխատանքային կենտրոնների աշխատանքը լրացրեց մեր պարապմունքի թերի մասը: Այն երեխաները, ովքեր ինքնավստահ չեն խոսքի փոխանակման մեջ, բայց ստեղծագործ են և ինքնուրույն աշխատանքային կենտրոններում:

Կցանկանայի իմ հետագա աշխատանքի ընթացքում կիրառել նորագույն ուսումնական կազմակերպման մեթոդները, տեղեկատվական տեխնոլոգիաները:

✓ Արժևորել երեխաների ինքնուրույն գործունեությանը նպաստող մոտեցումները.

Ինքնուրույնությունը ձեւավորվում է աստիճանաբար: Միևնույն ժամանակ տարիքային տարբեր փուլերում անհրաժեշտ է, որպեսզի երեխաների ինքնուրույնության ձգտումը խրախուսվի մեծերի կողմից՝ զարգացնելով անհրաժեշտ հմտություններ և կարողություններ:

Ինքնուրույն բառը արմատների բաժանելիս հստակ սահմանում ենք ունենում (ինքն իր ուժերով, անկախ, միայնակ):

✓ Ջինվել ստեղծագործական մտածողությամբ.

Որպեսզի երեխաներն ստեղծագործական մոտեցումներ և ճկուն միտք, անհրաժեշտ է զարգացնել նրանց մոտ նոր գաղափարներ ծնելու կարողությունը: Ստեղծագործությունը երեխայի ներքին ակտիվությունն է կապված նրա հետաքրքրությունների, բնավորության և մտածողության առանձնահատկությունների հետ:

Ուսուցանել, նշանակում է կրկնակի սովորել: (Ժ. Ժուրեր)

Դիդակտիկ խաղերը համարվում են ուսուցման և դաստիարակության կարևոր մաս, ուստի դրանք հիմնականում անց են կացվում դաստիարակի ղեկավարությամբ՝ հստակ կազմակերպված պարապմունքի միջոցով: Պարապմունքի այս բնույթը շարժում է երեխաների հետաքրքրությունը, լարում է նրանց ուշադրությունը, տալիս նոր գաղափարներ ստեղծագործական մտքի: Երեխան արդյունքում սովորում է արագ կողմնորոշվել, ստեղծագործել, ինքնուրույն եզրակացության հանգել, իսկ ուսուցանվող խնդիրը լուծվում է անկախ երեխայի կամքից ու գիտակցությունից: Սա է դիդակտիկ խաղի ամենամեծ առավելությունը: Խաղալու մեջ մանուկները և երեխաները պետք է սովորեն այն, ինչ ամենայն լրջությամբ պետք է նրանց ապագայում:

Դաստիարակը երեխային հաղորդում է մարդկության կողմից մշակված ծրագրերն ու եղանակները, որոնց լավ տիրապետելն էլ տանում է դեպի յուրահատուկ ընդունակությունների զարգացում եւ այն հնարավորություն է

տալիս երեխաներին լինել ստեղծագործ, ինքնուրույն, պրպտող, նպատակին հասնող:

Յուրաքանչյուր երեխա ինչ-որ չափով հանճար է և յուրաքանչյուր հանճար՝ ինչ-որ չափով երեխա: (Ա.Շոպենհաուր)

Պարապմունքի դիտարկում

Տնօրեն՝ Լ. Հակոբյան

Հրաշալի աշխատանք էր կատարված: Անհատական աշխատանք յուրաքանչյուր երեխայի հետ: Այս խմբում հատուկ կարիք ունեցող երեք երեխաները ակտիվ մասնակցություն ունեցան: Այն ավելի է մեծացնում դաստիարակի կատարած աշխատանքի չափը: Տպավորված եմ շատ բովանդակալից և յուրօրինակ աշխատանքի համար:

Դաստիարակ՝ Ա.Ավանեսյան

Պարապմունքն անցավ նյութերին համապատասխան,բոլոր երեխաները ներգրավված էին: Դաստիարակի կողմից տրվող առաջադրանքները հստակ էին և բոլոր երեխաները շատ ակտիվ էին: Պարապմունքը անցավ շատ ակտիվ և հետաքրքիր:

Դաստիարակ՝ Ա.Հովհաննիսյան

Ինտեգրված և ստացված պարապմունք,որի ընթացքում կապը՝ դաստիարակ երեխա և երեխա դաստիարակ տեսանելի էր և աշխատանքը՝ հսկայական: Երեխաները կարողացան ազատ արտահայտել իրեց միտքը, խոսքը հստակ էր և կապակցված: Դաստիարակը ջանք չէր խնայել:

Եզրակացություն

Իմ հետազոտությունը թույլ տվեց ինձ այսպիսի եզրակացության գալ.

- ✓ Երեխան կարող ուժ է եւ մանկավարժական գործունեությունը պետք է այնպես պլանավորել, որ առավելագույնի հասցնենք երեխաների ստեղծագործական կենտրոնների զարգացումը: Մեր օրյա հասարակությունը դաստիարակի առջև խնդիր է դրել դաստիարակել ազատ,ստեղծագործ, կիրթ, նպատակասլաց անհատականություն:
- ✓ Սովորողների ստեղծագործական կարողությունները զարգացնելը նշանակում է ստեղծագործական վերաբերմունք տրված առաջադրանքին:

Գրականության ցանկ

1. <Քայլ առ քայլ> Ծրագիր երեխաների եւ ընտանիքների համար .
Քըրսթին Ա.Հանսեն, Ռոքսան Ք.Քաուֆման, Քեյթ Բըրք Ուոլշ
2. Նախաշավիղ 2006թ.
3. Նախաշավիղ 2008թ
4. Մանկապարտեզի Ավագ խմբի(5-6տ) կրթական համալիր ծրագիր.
2008թ
5. Վաղ գրաճանաչությունը մանկապարտեզի Ավագ խմբում. 2007թ
6. Մայրենի լեզվի դիդակտիկ խաղերի կազմակերպումը
մանկապարտեզում
7. <<Քայլ առ քայլ>>-ի վերապատրաստման նյութեր

